



### **Meeqqanut atuartunut perorsaanikkut inerikkiartuutaasunik sunngiffimmi neqeroorutit pillugit Inatsisartut inatsisaat nr. xx, xx.xxx2017-imeersoq**

Meeqqanut atuartunut perorsaanikkut inerikkiartuutaasunik sunngiffimmi neqeroorutit pillugit Inatsissaq Inuit Ataqatigiinniit ima oqaasseqarfigi-umavarput.

Pingaartilluinnarparput meeqqat qassinik ukioqaraluarunilluunniit sumi-ikkaluaraangamilluunniillu ineriartuutaasumik, isumannaatsumik soqutiginantumillu sammisaqarnissaat, suliaqarnissaallu. Aamma isumaqarpugut kinaluunniit inersimasoq meeqqamik ilaqaruni, pisussaaffigissagaa meeqqamik paarsisutut, meeqqamik perorsaasutut, meeqqamik ilinniartitsisutut meeqqamut toqqissisimatsitsisuussasoq. Inersimasuusugut tamatta meeqqanut isumassuinissamik pisussaaffeqarpugut.

Inatsisissami meeqqat 6-linniit 12 ukiullit sunngiffimmi perorsaanikkut inerikkiartuutaasunik sunngiffimmi neqeroorutit neqeroorutigineqarsinnaapput. Meeqqat atualersimanngitsut ilanngunneqarsimani iluarinarpoq. Tassani kommunit neqeroorsinnaanertik eqqumaffigisariaqarpaat. Paasisassarsiorlutami angalagaangatta ilaanni takusarparput nunaqarfiit ilaanni meeqqanut atualersimanngitsunut paaqqinniffissaqaranilu sunngiffimmi neqerooruteqartannginnera. Uagut isumaqarpugut meeqqat sumiuugaluarunilluunniit sunngiffimmi ineriartuutaasumik neqeroorfigineqartassasut, periarfissinneqartassasut.

Kommunit nammineerlutik paaqqinniffiup, neqeroorutaasup illutassaanik pilersitsisinnaapput. Kommunuttaaq erseqqissarneqartariaqarpoq meeqqat peqqinnartumi illumi isersimaffeqartinnissaat pingaartequllugu. Ullumikkut meeqqanut isersimaffigisartakkat arlalissuit

oqummik, isugutammik najoruminaallisimasarput, tamakkulu meeqqat peroriartornerannut peqqissuussutaannullu akornutaasinnaapput. Kommunit namminneq isumagissavaat atuisut akiliisittarnissaat. Meeqqalli akissakilliorneq peqqutaalluni sunngiffimmik neqeroorfigineqartannginnissai pissusissamisunngilaq. Taamaammat kommunit ilaqtariinnut akissaatikitsunut aamma neqeroortasaapput akikillisaaffiginnillutilluunniit.

Inatsimmi aamma pineqarpoq atorfinitsitap qanoq ilinniarsimasuunis-  
saannik kommunit namminneq killiliisinnaasut. Kommuninullu kaam-  
mattuugiumavarput meeqqat ornittagaat, neqeroorutaappata, paaqqin-  
nittarfiuppata sapinngisaq naapertorlugu ilinniarsimasunik atorfini-  
tsitsisaqullugit. Tamanna ajornarpat minnerpaamik aqutsisoq tassaa-  
sariaqarpoq meeqqat ineriartortarnerannik, qanorlu ineriartortinne-  
qarnissaannik ilisimasaqartoq. Taamaaliornikkut sulisut ilinniarsiman-  
ngippata aqutsisuusup ilitsersuisinnaanera isumalluutigineqarsinnaam-  
mat.

Nunatsinni anguniartuartariaqarparput meeqqanik paarsisut, peror-  
saasut ilinniarsimasuullutillu meeqqanut toqqissisimanartuunissaat. Ta-  
manna ilinniartitaanikkut anguniartuaannartariaqarparput.

Naggataatigut aamma oqaatigissavarput meeqqat tamarmik sun-  
ngiffimmi pitsaasumik neqeroorfigineqartarnissaat pingaartikkatsigu,  
meeqqat atamarkik, akissaatikitsuninngaaneerpata, innarluuteqarpata  
nunaqarfimmiuppata iloqarfimmiuppataluunniit.

Inuit Ataqtigiit pingaartilluinnarpaat meeqqat inersimasunit isumassuill-  
uarsinnaasunit, inerikkiartortitsisinnaasunik ilikkartilluarsinnaasunillu  
paarsisoqartittarnissaat. Taamaaliornikkut meeqqat isu-  
massorneqarluartut, inerikkiartorluarsimasut ilikkarnissaminnullu peri-  
arfissinneqarluarsimasut perortissagatsigit. Meeqqammi siunissaraagut.

Siunnersuut akuersaarlugu ataatsimiitsitaliamut susassaqartumut inger-  
latipparput.